

# BESTELAKO XEDAPENAK

## HEZKUNTZA SAILA

### 1857

*AGINDUA, 2022ko apirilaren 11koa, Hezkuntzako sailburuarena, zeinaren bidez iragartzen baitira 2021-2022ko ikasturteko Batxilergoko Sari Bereziak.*

Batxilergoko Sari Nazionalak arautzen dituen uztailaren 13ko EDU/2058/2010 Aginduaren xedea da Batxilergoko Sari Nazionalak sortzea, Hezkuntzari buruzko maiatzaren 3ko 2/2006 Lege Organikoan –Hezkuntzaren Kalitatea Hobetzeko abenduaren 9ko 8/2013 Lege Organikoaren bidez aldatua– zehazten diren Batxilergoko modalitateetako edozein aprobetxamendu bereziz burutu duten ikasleak saritzeko. Gainera, haren laugarren artikulua xedatzen duenez, Batxilergoko Sari Bereziak iragarri eta eman ahal izango dituzte hezkuntza-administrazio eskudunek, dagokien eskumenen eremuetan.

Otsailaren 19ko 166/2013 Dekretuak –martxoaren 15eko 35/2011 Dekretua aldatzen duena– Euskal Autonomia Erkidegoko Batxilergoko Sari Bereziak arautzen ditu, eta horiek emateko eskakizunak ezartzen. Proba urtero deituko dela xedatzen du dekretu horrek, eta urteroko deialdiak nola gauzatu behar diren ere azaltzen du.

Hezkuntza Sailaren xedea da 2021-2022ko ikasturtean Batxilergoko ikasketak ibilbide akademiko bikainarekin burutzen dituzten ikasleen esfortzua eta lana aitortu eta sustatzea.

Horretarako, eta Ikastetxe eta Plangintzaren zuzendariaren proposamenari jarraikiz, honako hau

#### EBAZTEN DUT:

Artikulu bakarra.– 2021-2022ko ikasturteko Batxilergoko Sari Berezien deialdia onartzea, agindu honen I. eranskineko oinarriekin bat.

#### AZKEN XEDAPENETAKO LEHENENGOA

Prozedurari dagokionez agindu honetan arautu gabeko kasuetan, Administrazio Publikoen Administrazio Prozedura Erkidearen urriaren 1eko 39/2015 Legeak ezarritakoa aplikatuko da.

#### AZKEN XEDAPENETAKO BIGARRENA

Agindu honek amaiera ematen dio administrazio-bideari, eta, beronen aurka, aukerako berraztertze-errekurtsoa aurkeztu ahal izango zaio Hezkuntzako sailburuari, hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera, edo bestela, zuzenean, administrazioarekiko auzi-errekurtsoa aurkeztu ahal izango da Euskal Autonomia Erkidegoko Justizia Auzitegi Nagusiko Administrazioarekiko Auzien Salan, bi hilabeteko epean, agindua EHAAn argitaratu eta hurrengo egunetik aurrera.

#### AZKEN XEDAPENETAKO HIRUGARRENA

Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoarekin bat etorrira, eta Datu Pertsonaletarako jabetza publikoko fitxategiei eta Datuak

Babesteko Euskal Bulegoa sortzeari buruzko otsailaren 25eko 2/2004 Legearekin bat etorrira, deialdi honen izapideetan jasotako datu pertsonalak –parte-hartzaileek datuak tratatzea eta argitara ematea baimendu dute– «Batxilergoko Sari Bereziak» izeneko fitxategi batean jasoko dira. Fitxategi horren helburua deialdi hau eta, hala badagokio, Batxilergoko Sari Nazionalak kudeatzea izango da, baita deialdira biltzen direnei deialdiaren bilakaeraren berri ematea ere. Fitxategi horren ardura Ikastetxe eta Plangintza Zuzendaritzak du. Datuak irispidean izateko, datuak zuzentzeko, ezerezteko eta aurka egiteko eskubideak baliatzeko, Ikastetxe eta Plangintza Zuzendaritzara jo beharko da, honako helbide honetara: Donostia kalea 1, 01010 Vitoria-Gasteiz.

#### AZKEN XEDAPENETAKO LAUGARRENA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteiz, 2022ko apirilaren 11.

Hezkuntzako sailburua,  
JOKIN BILDARRATZ SORRON.

## I. ERANSKINA

## 2021-2022KO IKASTURTEKO BATXILERGOKO SARI BEREZIEN DEIALDIAREN OINARRI ARAUTZAILEAK.

Lehenengoa.– Xedea eta aplikazio-eremua.

2021-2022ko ikasturteko Batxilergoko Sari Bereziak iragartzen dira, deialdi honetan ezarritako baldintzetan.

Bigarrena.– Eskakizunak.

Batxilergoko Sari Berezia eskuratu ahal izateko, eskakizun hauek bete beharko dituzte ikasleek:

a) 2021-2022ko ikasturtean, Batxilergoko edozein modalitatetako bigarren maila EAEko zentronen batean eginda eta gaindituta izatea, aurrez aurre edo urrutitik.

b) Ikasleek Batxilergoko bi mailetan gutxienez 8,75 puntuko kalifikazioa izatea, batez beste. Batez besteko nota izango da kontatzen duten 1. eta 2. mailetako ikasgai bakoitzean lortutako kalifikazioen batezbesteko aritmetikoa, ehunen gertuenera biribilduta, eta distantzia berean egonez gero, handienera jota.

Hirugarrena.– Sarien kopurua.

1.– 2021-2022ko ikasturtean, 16 Batxilergoko Sari Berezi deituko dira EAEn.

2.– Batxilergoko Sari Berezia eskuratzen dutenek horren egiaztagiria jasoko dute. Gainera, Hezkuntza Sailak antolatzen duen bidaia-programan parte hartu ahal izango dute, ingelesezko ikastaroak atzerrian egiteko, dagokion deialdian zehaztutakoaren arabera.

3.– Sari Berezia lortzen duten ikasleak Batxilergoko Sari Nazionala jasotzeko hautagai izan daitezke, baldin eta aurrez horretarako izena ematen badute eta, gainera, Lanbide Heziketako eta Unibertsitateetako Estatu Idazkaritzaren ebazpenean ezarritako eskakizunak betetzen badituzte.

Laugarrena.– Izena emateko prozedura eta epea.

1.– Batxilergoko bigarren mailari dagokion azken ebaluazioko saioa egin ondoren, eta ikasleei azken kalifikazioak jakinarazi eta gero, ikastetxeek agindu honetan ezarritako eskakizunak eta baldintzak betetzen dituzten ikasleei informazioa emango diete Batxilergoko Sari Bereziatarako aurkezteko aukerari buruz.

Deialdi honetan aurreikusitako data eta jardueren egutegia II. eranskinean jasota dago.

2.– Agindu honen bigarren oinarrian xedatutako eskakizunak betetzen dituzten eta Batxilergoko Sari Berezia eskuratzeko hautagai izan nahi duten ikasleek, izena eman nahi badute, «on line» eskabidea aurkeztu beharko dute beren ikastetxeko idazkaritzan, III. eranskineko ereduari jarraituz, Hezkuntza Administrazioak horretarako prestatutako duen aplikazioaren bidez.

Ikasle bakoitzak dagokion ikastetxearen idazkaritzan aurkeztuko du eskabidea, behar bezala sinatuta, eta hark sarrera-erregistroa emango dio.

3.– Hautagai bakoitzak sinatutako eskabidea eta ikastetxeko zuzendariak behar bezala bete eta sinatutako agiri akademikoa dagokion ikastetxeko idazkaritzan gordeko dira, probako epaimahaiaren eskura. Epaimahai horrek dokumentazio hori eskatu ahal izango du, bai probak egiten diren bitartean, bai probak amaitu ostean.

4.– Desgaitasunen bat duten ikasleek proba egiteko egokitzapenen bat behar badute, III. eranskinean aipatutako dokumentazioa aurkeztu beharko dute.

5.– Izena emateko epea amaitu eta hurrengo egunean, ikastetxe bakoitzak iragarki-taulan argitaratuko du izena eman duten ikasleen zerrenda.

6.– II. eranskinean adierazitako egunean, Hezkuntza Sailaren web-orrian argitaratuko da onartutako eta baztertutako ikasleen behin-behineko zerrenda, eta baztertutakoen kasuan adieraziko da horren zergatia eta zer epe dagoen balizko akatsak edo adierazi gabeko datuak zuzentzeko, Administrazio Publikoen Administrazio Prozedura Erkidearen urriaren 1eko 39/2015 Legearen 68. artikulua araberera.

7.– Egon litezkeen akatsak edo adierazi gabeko datuak zuzentzeko epea bukatu ostean, zeinak epaimahaiko buruari bidaliko baitzaizkio, Hezkuntza Sailaren web-orrian argitaratuko da onartutako ikasleen behin betiko zerrenda, bai eta, hala badagokio, baztertutako ikasleena ere, erabaki hori zergatik hartu den adierazita.

8.– Sarituren batek agindu honetan jasotako eskakizunen bat betetzen ez badu, saria galduko du, eta sari hori puntuaziorik altuena lortu duen hurrengo hautagaiari emango zaio.

Bosgarrena.– Proben edukia eta balioestea.

1.– Batxilergoko Sari Berezirako hautagaiek proba euskaraz edo gaztelaniaz egin ahal izango dute, eskabidean eskatutakoari jarraituz.

Hau izango da probaren egitura:

Lehenengo zatia:

Modalitateko berezko nahitaezko irakasgaia: idatziz ebaztea Batxilergoko 2. mailako modalitateko berezko nahitaezko irakasgaiaren edukiei buruzko galderak edo ariketa praktikoak; izena emateko III. eranskinean jasota egongo da irakasgai hori.

Bigarren zatia:

a) Gaztelania ala euskara: gai orokor bati buruzko testu bati buruzko idazlana edota iruzkina; testua zientifikoa edo literarioa izango da, gaztelaniaz edo euskaraz idatzia (parte-hartzaileak izena emateko eskabidean adierazitako aukeraren arabera).

b) Atzerriko hizkuntza: gai orokor bati buruzko testu baten gaineko idazlana edota iruzkina; testua zientifikoa edo literarioa izango da, eta Batxilergoko 2. mailan nahitaezko irakasgai gisa ikasitako atzerriko hizkuntzan idatzita egongo da. Hiztegiarik gabe egingo da ariketa, dagokion hizkuntzan.

2.– Honako hau balioetsiko da ariketetan: erantzunen zuzentasuna, azalpenaren argitasuna eta kalitatea, egituraketa, hiztegia egokitasuna, eta hizkuntzaren zuzentasuna.

3.– Epaimahaiak ez dio aukerarik emango hautagaiari aurrez izena emateko inprimakian aukeratutako irakasgaiak edo proba-aukerak aldatzeko.

4.– Probako ariketa bakoitza 0tik 10era bitarteko puntuekin balioetsiko da, bi hamartarrekin gehienez ere. Probaren azken kalifikazioa honela kalkulatu da: lehenengo zatiko ariketan (modalitateko nahitaezko irakasgaia) lortutako kalifikazioa bider bi, gehi bigarren zatiko ariketetan lortutako kalifikazioen batura.

5.– Saria eskuratzeko aukera izateko, ariketa bakoitzean gutxienez 5 puntu lortu beharko dute hautagaiak, eta 32 puntutik gorako kalifikazio orokorra.

6.– Proban kalifikaziorik altuena lortzen duten hautagaiei emango zaizkie sariak.

7.– Berdinketarik egonez gero, lehenengo, bigarren eta hirugarren ariketetan eskuratutako puntuazioa hartuko da kontuan, ordena horretan. Berdinketak jarraitzen badu, zozketa bidez ebartziko da; epaimahaiko buruak emango du horren berri.

8.– Ariketak anonimoak izango dira, eta dagozkion neurriak hartu beharko ditu epaimahaiko buruak hori bermatzeko.

9.– Deialdi honetan, honela banatuko da ariketak egiteko denbora:

Lehenengo zatia: 90 minutu.

Atsedena: 30 minutu.

Bigarren zatia: 120 minutu.

Seigarrena.– Probak egitea.

1.– Proba, EAErako bakarra, II. eranskinean adierazitako egoitzan, egunean eta orduan egingo da.

2.– Proba egiteko, hautagaiak beren NAN, AIZ edo beste egiaztagiri bat ekarri beharko dute, baita probak egiteko behar diren tresnak ere, IV. eranskinean ezarritakoaren arabera.

3.– Ariketetan jarraitu beharreko etika-, errespetu- eta ordena-arauak betetzen ez dituen probatik baztertzeko legezko gaitasuna du epaimahaiak. Baztertzeak irakasgai guztietan 0 kalifikazioa ateratzea dakar berarekin.

4.– Hala eta guztiz ere, epaimahaiak komenigarria dela iritziz gero, aurreko puntuak zabaltzen dituen informazio gehigarriaren berri emango du Hezkuntza Sailaren web-orrian.

5.– Proba egin aurretik, Hezkuntza Sailaren web-orrian argitaratuko dira ariketa bakoitzaren ebaluazio- eta kalifikazio-irizpideak.

6.– Deialdi honi buruzko informazioa web-orri honetan jakinaraziko da:

<http://www.euskadi.eus/batxilergoko-sari-bereziak/web01-a3hakade/eu/>

Zazpigarrena.– Kalifikazioak argitaratzea.

1.– Parte-hartzaileek beren notak ikusi ahal izango dituzte horretarako prestatutako aplikazioaren bidez, NANaren zenbakia erabilia gako gisa, eta haren iraungitze-data pasahitz gisa.

2.– Epaimahaiak Hezkuntza Sailaren web-orrian argitaratuko ditu behin-behineko kalifikazioak, II. eranskinean adierazitako egunean.

Egon litezkeen alegazio edota akatsak zuzendu ostean, Hezkuntza Sailaren web-orri berean argitaratuko dira behin betiko kalifikazioak eta saritzeko proposatutako hautagaiak.

3.– Epaimahaiak sari-kopuru jakin bat proposatuko du guztira (deialdi honetan adierazitakoa, gehienez ere).

#### Zortzigarrena.– Erreklamazioak.

1.– Ikasleek edo haien legezko ordezkariak, ikasleak adingabeak izanez gero, egoki irizitako alegazioak aurkeztu ahal izango dizkiote epaimahaiko buruari, II. eranskinean ezarritako epean.

2.– Erreklamazioek arrazoituak izan beharko dute, eta Hezkuntza Administrazioak deialdi hau kudeatzeko sortutako aplikazioaren bidez egin beharko dira.

3.– Erreklamazio-eskaera eragin duten ariketekin hurrengo prozedura jarraituko da:

a) Lehenengo zuzenketa egin duen zuzentzailea ez den beste zuzentzaile batek berrikusiko ditu ariketa horiek.

b) Lehenengo eta behin, nota kalkulatzeko akatsik egin ez dela berrikusiko da, eta ariketa osoa zuzendu eta baloratu dela kudeatuko da.

c) Horrelako akatsik egongo ez balitz, ariketa osoa zuzenduko litzateke. Azken kalifikazioa, lehen eta bigarren zuzenketen arteko batzbesteko aritmetikoa izango da. Lehenengo eta bigarren zuzenketen arteko kalifikazioen artean 2 puntuko aldea baino handiagoa egongo balitz, beste hirugarren zuzentzaile batek zuzenduko luke ariketa. Azken kalifikazioa, hiru zuzenketa horien batzbestekoa izango litzateke.

d) Akatsak egongo balira, horiek zuzenduko lituzke eta ondoren akatsik gabeko atalak zuzenduko lituzke. Behin betiko nota akatsik gabeko ataletan lortutako bi noten batzbestekoa izango zen gehiturik akatsak zuzendutakoan lortutako emaitza.

e) Berrikuspen bat izanik, behin betiko nota hasierakoa baino altuagoa edo baxuagoa izan daiteke, edo mantendu egin daiteke.

f) Epaimahaiak behin betiko nota ezartzen duen ebazpena onartu, eta erreklamazio-eskaera egin duenari helaraziko dio.

#### Bederatzigarrena.– Ebazpena.

1.– Deialdia Ikastetxe eta Plangintzaren zuzendariak ebatziko du, epaimahaiak proposatuta. Baldin eta eskaerak aurkezteko epea bukatu eta hiru hilabeteko epean ez bada ebazpenik jakinarazten, eskaerak ezetsizat jo daitezke, Administrazio Publikoen Administrazio Prozedura Erkidearen urriaren 1eko 39/2015 Legearen 122.2 artikuluan xedatutakoaren arabera.

2.– Ebazpen horren aurka, gora jotzeko errekurtsioa jar dezakete interesdunek, Administrazio Publikoen Administrazio Prozedura Erkidearen urriaren 1eko 39/2015 Legearen 121. artikuluan xedatutakoari jarraituz.

## II. ERANSKINA

## JARDUEREN EGUTEGIA. 2021-2022KO IKASTURTEA

Maiatzaren 1. hamabostaldia	2021-2022ko ikasturterako Batxilergoko Sari Bereziak deitzen dituen Agindua argitaratzea EHAA
Maiatzaren 25etik 27ko 14:00ak arte	Hautaprobetan parte hartuko duten ikasleen izen-ematea Hezkuntza Sailaren web-orriko aplikazioan
Maiatzaren 31	Probetarako onartutako eta baztertutako ikasleen behin-behineko zerrenda argitaratzea Hezkuntzaren web-orrian
Ekainaren 2ko 10:00ak arte.	Probetarako onartutako eta baztertutako ikasleen behin-behineko zerrendaren kontrako alegazioak aurkeztea
Ekainaren 6a	Probetarako onartutako eta baztertutako ikasleen behin betiko zerrenda argitaratzea
Ekainaren 9a	Gelen eta eserlekuen zerrenda
Ekainaren 13a	<p><b>Proba egitea:</b></p> <p>Bilboko Ingeniaritza Goi Eskola Teknikoa</p> <p>Urkixo Zumarkalea z.g.</p> <p>48013 Bilbao</p> <p><b>Ordutegia:</b></p> <p>Deia: 15:00</p> <p>Lehen zatia: 15:15-16:45</p> <p>Atsedena: 16:45-17:15</p> <p>Bigarren zatia: 17:15-19:15</p>
Ekainaren 22a	Behin-behineko kalifikazioak argitaratzea Norberaren noten kontsultak
Ekainaren 24ko 10:00ak arte	Behin-behineko kalifikazioen kontrako alegazioak aurkeztea
Ekainaren 30a	Behin betiko kalifikazioak argitaratzea Norberaren noten kontsultak Ikasle saridunen proposamena
2022ko uztailetik aurrera	Ikastetxe eta Plangintzaren zuzendariaren ebazpena EHAA

### III. ERANSKINA IZENA EMATEKO ORRIA

#### DATU PERTSONALAK

<input type="checkbox"/> NAN:		Jaiotze-data: uu/hh/ee:	
<input type="checkbox"/> AIZ:		Sexua <input type="checkbox"/> G <input type="checkbox"/> E	
<input type="checkbox"/> Bestelakoa:			
Abizenak:			
Izena:			
Helbidea (kalea):			
Zk.:	Solairua:	Letra:	LH:
Udalerrria:		PK:	Telefono finkoa:
Sakelako telefonoa:		Helbide elektronikoa:	

#### EGINDAKO IKASKETAK

Zer ikastetxetan amaitu dituzu Batxilergoko ikasketak?		
LH:	Udalerrria:	PK
Batxilergoko 2. mailan ikasitako Atzerriko Lehen Hizkuntza		<input type="checkbox"/> Ingelesa <input type="checkbox"/> Frantsesa <input type="checkbox"/> Alemana
Egindako Batxilergoko modalitatea		<input type="checkbox"/> Zientziak <input type="checkbox"/> Giza eta Gizarte Zientziak <input type="checkbox"/> Giza Zientziak <input type="checkbox"/> Gizarte Zientziak <input type="checkbox"/> Arteak

#### PROBA EGITEKO ERABILI NAHI DUZUN HIZKUNTZA

<input type="checkbox"/> Gaztelania
<input type="checkbox"/> Euskara

#### MINUSBALIOTASUNIK EDUKIZ GERO, AURKEZTUTAKO DOKUMENTAZIOA

<input type="checkbox"/> Minusbaliotasun-ziurtagiria
<input type="checkbox"/> Irizpen tekniko-fakultatiboa
<input type="checkbox"/> Orientazio-zerbitzuaren txostena eta Berritzegunearen txostena
<input type="checkbox"/> Beste mota bateko egokitzapen bat (denbora eta bitartekoak). Zehaztu:

[Oharra: atzeko aldean jarraitzen du]



## PROBAKO LEHENENGO ZATIRAKO AUKERATUTAKO IKASGAIAK

MODALITATEKO / IBILBIDEKO BEREZKO IKASGAIA ADIERAZI (Batxilergoko 2. mailan eginda)	Zientziak	Giza Zientziak	Gizarte Zientziak	Arteak
Matematika II	x			
Latina II		x		
Gizarte Zientziei Aplikatutako Matematika II			x	
Artearen Oinarriak II				x

## PROBAKO BIGARREN ZATIRAKO AUKERATUTAKO IKASGAIAK

A ariketa	B ariketa
<input type="checkbox"/> Gaztelania <input type="checkbox"/> Euskara	<input type="checkbox"/> Ingelesa <input type="checkbox"/> Frantsesa <input type="checkbox"/> Alemana

AITORTZEN DU .....

ikastetxean amaitu dituela Batxilergoko ikasketak 2022. urtean eta **batez besteko nota 8,75 edo handiagoa** izan dela.

ESKABIDEA egiten du 2021-2022ko ikasturteko Batxilergoko Sari Bereziak eskuratzeko probetan parte hartzeko, eta AITORTZEN DU eskabide honetan jasotako datu guztiak egiazkoak direla.

.....(e)n, 202..ko .....aren .....(e)(a)n.

AITA, AMA EDO LEGE-TUTOREA  
(Ikaslea adingabea bada soilik)

INTERESDUNA

Izpta.:

Izpta.:

Datu Pertsonalak Babesteari buruzko abenduaren 13ko 15/1999 Lege Organikoan eta Datu Pertsonalen Fitxategi Publikoei eta Datuak Babesteko Euskal Agentzia sortzeari buruzko otsailaren 25eko 2/2004 Legean ezarritakoarekin bat etorritik, sarien deialdiko parte-hartzaileek baimena ematen dute deialdi hau izapidetzean jasotako datu pertsonalak tratatu eta argitaratzeko. Datuok, bestalde, «Batxilergoko Sari Berezia» izeneko fitxategi batean sartuko dira deialdi hau kudeatzeko, bai eta deialdira biltzen direnei deialdiaren garapenaren berri emateko ere. Hezkuntza Berrizatzeko Zuzendaritza izango da fitxategiaren arduradun. Datuetara sartzeko, horiek zuzentzeko, ezereztzeko eta horien aurka egiteko eskubideak betetzeko, Hezkuntza Berrizatzeko Zuzendaritzara jo beharko da, honako helbide honetara, hain zuzen ere: Donostia kalea 1 – 01010 Vitoria-Gasteiz. Era berean, deialdi honetan parte hartzen duten pertsonen baimena ematen diote Hezkuntza Berrizatzeko Zuzendaritzari aurkeztutako dokumentuak egiazkoak diren egiaztatzeko beste erakunde publiko batzuetan.

[Oharra: ikastetxeko idazkaritzan utzi behar da paperezko dokumentu hau, ikasleak behar bezala izenpetuta eta dagokion sarrera-erregistroarekin, Agindu honetan araututako proben epaimahaiaren eskura]

## IV. ERANSKINA

## AZTERKETA EGITEKO JARRAIBIDEAK ETA ZEHAZTAPENAK

Erabateko puntualtasuna eskatzen da.

Matrikula egin eta gero, ezingo da irakasgairik aldatu.

Ikasle bakoitzak gela bat eta jarleku-zenbaki bat izango du, eta bertan egingo du azterketa. Gelan sartzean, bere jarlekua eta zenbakia zein diren esango zaio. Hori izango da bere lekua azterketa osoan zehar, probaren bi zatietan.

Ikasleak bere nortasun-agiria (NAN, pasaporte, bizileku-txartela...) mahai gainean jarri beharko du, eta ikusgai egongo da probak dirauen artean.

Lehenengo ariketa hasi baino lehen, ikasleriari bere datu pertsonalak, zein irakasgaitan matrikulatuta dagoen eta ariketa bakoitzean erabili beharko duen kodea jasotzen dituen orri bat emango zaio. Azterketaren orrian, espazio bat dago kode horrentzat. Akatsen bat atzeman ez gero, ikasleak BEREHALA jakinarazi beharko dio Epaimahaiari.

Tinta beltzez edo urdinez egin behar dira ariketak, Epaimahaiak kontrakorik adierazi ezean.

Probaren konfidentzialtasuna bermatzeko, ezingo da izena idatzi ez inongo identifikazio-seinalerik utzi azterketa-orrian, salbu aipatu identifikazio-kodea, harentzako gordetako lekuan. Jarraibide hori ez betetzeak hautagaia baztertzea ekarriko du.

Nahiz eta azterketa zurian itzuli, identifikazio-kodea jarri beharko du. Azterketa hasi eta 15 minutu igaro arte, ezingo da ikasgelatik atera. Ariketa bakoitzaren hasierako 15 minutuak iraganda, ez zaio ikasle bakar bati ere sartzen utziko, Epaimahaiko buruak baimentzen dituen salbuespen-kasuetan izan ezik.

Azterketaren bigarren zatian, hizkuntza ofizialeko ariketak –euskara/gaztelania– eta atzerriko hizkuntzakoak aparteko orrietan egin beharko dira.

Probaren irakasgai bakoitzaren berezko ezaugarriei dagokienez, honako hauek hartu beharko dira kontuan:

– **Gaztelania, Euskara eta Atzerriko Hizkuntza:** ezin da hiztegirik erabili.

– **Matematika II eta Gizarte Zientziei Aplikatutako Matematika II:** kalkulagailu zientifikoa eta marrazketarako tresnak (erregela, konpasa...) erabili ahal izango dira. Baimendutako kalkulagailuek ezin izango dute prestazio hauetako bakar bat ere eskaini: pantaila grafikoa; datuak transmititzeko aukera; programagarria izan; ekuazioak ebatzi; matrize-eragiketak egin; determinante, deribatu eta integralak kalkulatu, eta datu alfanumerikoak gorde.

– **Latina II:** hiztegia erabili ahal izango da. Latinezko hiztegi batzuek gramatika-gehirria izaten dute (deklinabide-taulak eta aditzak...). Baimenduta dago gehigarri hori erabiltzea; ez du axola hiztegian bertan txertatuta dagoen edo aparteko koadernotxo bat den. Gainera, bi hiztegi erabili ahal izango dira aldi berean: latina-gaztelania eta latina-euskara.

– **Artearen Oinarriak II:** ez da berariazko inongo materialik behar proba egiteko.

Probaren atal bakoitza amaitu eta gero, ikasleak eskua altxatuko du eta itxarongo du Epaimahaiko arduradunen batek azterketetan erabilitako orri guztiak (zirriborroak barne) jaso eta gelatik ateratzeko baimena eman arte. Azterketa zurian uzten bada ere bete behar da jarraibide hau.

Erabat debekatuta dago informazioa biltegitatu edo erreproduzitu dezaketen telefono mugikorrek eta tresna elektronikoak erabiltzea; kanporatzeko arrazoi izango da horiek erabiltzen saiatze hutsa.

Ariketetan jarraitu beharreko etika-, errespetu- eta ordena-arauak betetzen ez dituen probatik baztertzeko legezko gaitasuna du Epaimahaiak. Baztertzek irakasgai guztietan 0 kalifikazioa ateratzea dakar berarekin.

Bertaratze-justifikagiri bat eskatu ahal izango dio ikasleak Epaimahaiari.

**OHARRA:** saria eskuratzeko aukera izateko, ariketa bakoitzeko kalifikazioa 5,00 puntu edo gehiagokoa izan beharko da, eta 32 puntu baino gehiago lortu beharko dira probaren kalifikazio osoan. Ikasleren batek zurian itzultzen badu ariketa bat, 0 kalifikazioa emango zaio, eta, ondorioz, saria eskuratzeko aukera galduko du.

2022ko maiatzaren 2a, astelehena

## V. ERANSKINA

## BATXILERGOKO SARI BEREZIAK

## ONARTUTAKO ETA BAZTERTUTAKO IKASLEEN ZERRENDA

Deialdia:

Ikastetxea

.....

Deialdian xedatutako eskakizunak betetzen dituzten eta Batxilergoko Sari Bereziak eskuratzeko hautaprobetan izena eman duten ikasleen zerrenda.

NAN	Abizenak	Izena	Onartua/Ez onartua	Zergatia

.....(e)n, .....(e)ko .....aren 202....(e)an

Zuzendaria (sinadura eta Ikastetxeko zigilua)